

واوي الحرش وواوي بعدا

(...)

الرجال: ييني، مهما القن يكون كبير ...

المرأ: سقعا.

الرجال: ما بيساع إلاّ ديك واحد.

المرأ: (بتنهدّ عَ كلمة ديك) إختصر، بلش يغفا.

متل البراعيط

(الديكور : اوضا بسيطا. الفرش من أول العصر. هوا تشرين مارق عَ الشباك. المرأ والرجال سهرانين عَ ضوّ الشمعا).

-أول لوحا -

المرأ: لأيمتي بدنا نضلّ هيك؟ شعبنا عتم. مش باقي غير شمعا. بكرا جيب معك علبتين.

الرجال: انا وجايي ميّلت عَ السوبر مريح ... "ماركت"، قال مقطوع.

المرأ: كل شي بدن يغلّوه بيقولو عنو مقطوع. بعد في الزبالي ما تاجرو فيا بهالحرب.

الرجال: وعن قريب بيلشو ... (وقت فاضي) وشكري ربك إنو الناس ما عادو يضوو شمع لمار تقلا ومار سمعان العامودي ... وتبع بيت مري ... شو إسمو دخلك.

المرأ: مار ساسين.

الرجال: شو قصتو بيضل يروح عن بالي. ومار بندليمون ... وتبع كفارديان ... مار ... شليطا. لو بعدن عم يضوولون شمع متل من خمسين سني كانت الليلي الشمعا بشي ألف ليرا وعبكرا بألفين.

المرأ: ليش قولك بطلو؟ لأن الشمع غلي؟

الرجال: أو لأن الناس صارو يفهمو؟ (سكوت. صوت الهوا). بيقولو السني رح تكون الشتوي مسقعا.

المرأ: أنا سمعت إنو التلج رح يوصل للمركب ... ما عنّا ولا نقطة مي، الولاد بدن يشربو.

الرجال: يمكن الليلي تشتي.

المرأ: وبلكي مال شتت؟

الرجال: منزل نلاقي حدا يدينا قنينة مي (ببيوقف، بيزيح الستار بيتطلع بالسما) بطني بدأ تشتي.